

Rennts Leutl rennts

Rennts Leutl rennts, da Ferdl is heut deppert drauf,
hat zvä Schnaps in der Birn, und jetzt draht er durch, jetzt draht er auf,
nehmts die Kinder in´d Händ, gebts da Muata an Steßer,
weu da Nachbar da drent hat in der Hand a Messer.
Ja wo samma denn da, i glaub in an Fü´m, und da siach i den Nachbarn scho auf an zühn.

Rennts Leutl rennts, da Ferdl is heut deppert drauf,
hat scho Löcher im Hirn, weu er ollewäu scho vü z´vü sauft,
Geht´s eam schnö aus´m Weg, weu er oiss niederhaut,
Sperrts euch ein, draht´s es Liacht ab, machts kan Laut,
Lassts euch nua ned erwischen, schauts dass er euch ned siecht,
Und geht´s niemois dazwischen –weu er is a Viech.

Sie hat eam längst verlassn, sie is auf und davon
Weu in sein´Säuferwahn hat er a sie ned vaschont,
Und jetzt rennt er im Kreis, hat sich´s mit alle vertan,
Er war ewig gschissn, jetzt scheisst er sich an

Rennts Leutl rennts, da Ferdl is heut deppert drauf,
Oba amoi is´s zvä, weu irgendwann hört es sich auf,
Zu sechst hamms eam packt, von hinten und vurn,
Grüner Wagn, weiße Jackn, ja ja jetzt hat er verlorn,
D´Händ aufn Ruckn und a Jaukerl in´Bauch,
zerst siachst eam nu zuckn, und dann gibt er auf